

VOILA

55



TERMIN THEO
DOWN UNDER CARLA
NÄTTSFESCHT MARISA KINDERQUIZ NICOLAS
RENÉ ROMA FRANCA KÜRBISQUIZ ANDREA
MORA PHILIPP GRILLPLAUSCH
ISA FRANZISKA
SABINE LIA

Basler Rolli Jungi Garde & Stamm TERMINKALÄNDER

Wenn	Was	Wo	Zyt	Wär
SA 12.11.2016	Üebigssamschtig			JG
DO 17.11.2016	Herbstversammlig		20:00	Stamm
SO 04.12.2016	Brunch			JG
DO 15.12.2016	Rolli-Wiehnacht			Stamm
DO 05.01.2017	Schlittschueh fahre			JG
DO 05.01.2017	Neujohrsapero & Gmainsami			Stamm, AG
SA 07.01.2017	Blageddeusgoob			Stamm, JG, AG
DO-SA 26.-28.01.2017	Offiziells			Stamm, JG, AG
SA 04.02.2017	Drummeli-lebissamschtig		10:00	Stamm
SO 05.02.2017	Marschiebig	Lange Erle		JG
DO 09.02.2017	Gmeinsami Marschiebig			Stamm
FR 10.02.2017	Damburemarschiebig			Dambure Stamm
SO 16.02.2017	Marschiebig	Lange Erle		JG
DO 16.02.2016	Fasnachtssitzig			Stamm
FR-FR 17.-24.02.2017	Drummeli	Musical Theater		Stamm
DO 23.02.2017	Fasnachtssitzig & Goschdymusgoob			JG
SO 26.02.2017	Allschwiler Fasnacht			JG
DO 02.03.2017	Pfyffermarschiebig			Pfyffer Stamm
SO 05.03.2017	Ladärne ypfyffe		17:30	Samm, JG, AG
MO-MI 06.-08.03.2017	Fasnacht	Stadt	04:00	Stamm, JG, AG
SO 19.03.2017	Bummel			Stamm
SO 26.03.2017	Bummel			JG, AG
DO 30.03.2017	Lämpesitzig			Stamm, JG
DO 06.04.2017	Infooobe neuji jungi Rolli			JG
DO 27.04.2017	Start Yebigsstunde Cliquejoor 2017/2018			JG
SA/-SO 09.-10.09.2017	Weekend			JG
MO-MI 19.-21.02.2018	Fasnacht	Stadt	04:00	Stamm, JG, AG
MO-MI 11.-13.03.2019	Fasnacht	Stadt	04:00	Stamm, JG, AG
MO-MI 02.-04.03.2020	Fasnacht	Stadt	04:00	Stamm, JG, AG
MO-MI 22.-24.02.2021	Fasnacht	Stadt	04:00	Stamm, JG, AG
MO-MI 07.-09.03.2022	Fasnacht	Stadt	04:00	Stamm, JG, AG
MO-MI 27.2.-1.3.2023	Fasnacht	Stadt	04:00	Stamm, JG, AG
MO-MI 19.-21.02.2024	Fasnacht	Stadt	04:00	Stamm, JG, AG
MO-MI 10.-12.03.2025	Fasnacht	Stadt	04:00	Stamm, JG, AG

Die aktuelle Termin vo dr Alte Garde
würde über's Internet mitteilt



Liebi Rolli

In eure Händ ligt e neu Usgoob vom Voilà, wo wie allewil vom Voilà-Team und eurer Unterstützig mit Häärzbluet gschriibe worde isch. In dr aktuelle Usgoob erfahret ihr unter anderem Details über e baar neu Rolli oder wie s'Läbe so isch, wenn me e Johr uf Austraalie duet uswandere. Und au e Quiz für alli Räätsel-Fan findsch im Voilà.

Aber nid numme s Voilà-Team isch in de letschte Wuche aggtiv gsi: So hänn mir uns no de Summerferie zum Grillplausch troffe - Bilder doodruegits im Voilà und uf dr Website - und d'Mitglieder vo dr Junge Garde, em Stamm und dr Alte Garde sin scho wieder ainigi Stunde im jewilige lebigstlokal gschtande, zum an de Märsch für d Fasnacht 2017 schaffe! Au wenn s schöne Herbstwätter nid immer e positive Ifluss uff d Motivation ka het. Mir erinnere uns an Donnstig wo sich dr Stamm nid im lebigstlokal sondern an dr Riwiera troffe hett.

Ich wünsch allne viel Froid bim Läse vom Voilà und bedangg mit bi allne wo die Usgoob als Sponsor oder Teil vom Voilà-Team mööglig gmacht hänn.

Dominic
Obmaa Stamm



s Voilà Team

Inhalt Stamm, Layout, Gschtaltig & Dätschmaischtere: **Nadine Nickler**
Mitässer & kreativi Mitdängger: **Andrea Roth & Marcus Hablützel**
Inhalt Jungi Garde: **Conny Kühner**
Inhalt Alti Garde: **Thomas Wyss**
Versand: **Prisca Häner** (Drugg: **Speedy Print AG**)

baslerrolli@gmail.com
<http://www.baslerrolli.ch/>

Redaktionsschluss Voilà 56: 29. März 2017

Titelbild: Unsere Obmaa vom Stamm hett durscht

Liebi Rolli

Ich bi jo scho syt eme Joor bi euch und möcht mi an däre Stell nomol ganz härzlig für das fantastische erschte Joor bedangge!


Gross worde bi ich zämme mit mim Brueder, em Remo, bi dr Spezi. Wo är vor e paar Jöörli in d’Rolli gwächslet het, isch d’Fasnacht eifach nümme s’Glyche gsi wie friehner. Wo ich denn nach 11 Joor in de USA zugg in d’Schwyz ko bi, ha ich ebefalls dr Wächsel gwogt und könnt nit glücklicher syy. Sithär isch dr Donnschtig Obe s’zweite Wuchenänd und ich freu mi uf unzähligi und unvergässligi Highlights mit euch.

Do no e kleins Rätsel, wo me so scheen “2 Truths and a Lie” nennt:

- Ha d’Hand vom Bill Clinton gschüttlet
- Bi Bsitzer vo 3 Päss
- Ha uf 4 Kontinänt gläbt

(Wenn’s euch kribbelet, welli Ussaag falsch isch, denn könnet ihr mi mol bim e Bierli aahaue)

Philipp



Zue wäm ghört das Muul?



Sali zämme ☺

Ich bi d Marisa und ich bi 20 Joohr alt.
Syt ich 7 Joohr alt bi, due ich mit voller
Liideschaft pfyffe. Ansunschte dueh ich mini
Freizytt gärn mit mine Fründe verbringe und bi
gärn vyll duss in dr Natur und an dr früsche Luft.
Am liebschte no wenss denn nach Fasnacht
schmeggt ☺
Ich bi momentan in dr Lehr als Kleikinder-
erzieherin, was mir sehr vyll Freud macht.

Ich ha im Mai bi euch dörfe iineluege und s het mr grad uf Ahieeb gfalle. Ich
freu mi au uf die wytteri Zytt mit euch, das ich bi euch dörf drby sii und uf
die erschti Fasnacht bi de Rolli.

E liebs Griessli, Marisa ☺



Wär hebt das Glas?

Administrativs / Neui bi de Rolli / Franziska

Am 28. Mai 2016 han ich die erschti Pfyfferstund be Euch derfe verbringe. I be hätzlig ufgno worde und ha mi au grad sehr wohl gfyft.

Mit zwölf ha ich be de, damals neu gründete Basler Dybli, Jungi Garde, mini erschte Versiech Piccolo z'spiele in Agriff gno. Do mir das Hobby so viel Freud macht, isch fyr me klar gsi, Fasnacht isch e Traum wo ich jedes Joor aktiv will derby si.

Userem Piccolo spiele be i gärn an Feschter wo me so richtig toll tanze ka ;o)

E Aug uff d Rolli han ich scho länger ka. Be de Kinderfasnacht in Binnige ha i d Ursi und de Dominic kenne glernt. Im 2016, noch 30 Joor aktiv be de Muschetnüssli, be ich jetzt neu passiv Mitglied.

Momentan bi ich uff Jobsuechi als Prophylaxe-assistentin. In dr Zwüschezyt schaff ich als Badeushilfin im Rialto.

S halbe Joor isch verby und ich freu mi uff d Fasnacht 2017 mit Euch.

Franziska



Brillen nach Mass.

Schneider.

Phil Dankner, Musiker

**OPTIK
SCHNEIDER
BASEL**

Optik Schneider AG
Spalenring 15, 4055 Basel

Telefon 061 381 91 91
www.optik-schneider-basel.ch

Administrativs / Neui bi de Rolli / Isa / Sabine

Name: Schawalder
Vorname: Isabelle
Alter: 32
Position in dr Clique: Vortrab –
genau Positon isch no unklar ;o)
Bruef: Sachbearbeiterin bi dr
Usglichskasse Basel-Stadt
Lieblingstier: Puma
Lieblingsfarb: orange, violette
Ziel: amene passive Zueschauer
wo im Wäg stoht e Höbbberli stelle
;o)



A B C Sabine Brantschen Moosbrugger

Do ich bis jetzt au nur als passive
Zueschauer an dr Fasnacht
teilgno ha, freu ich mi uf viel neui
Ildrück und uf e lessigi Zyt ;o)



Aufgestellt
Blaue Augen
Cha kei Baseldialekt schriibe
Djembe spielen
Elektroauto
Findet Vortrab kuul
Garten
Hat es gerne sauber
Isst gern Raclette
Juli Geburtstag
Kinder 3
Löwe
Macht gern Gesellschaftsspiele
Natur
Offen
Pfarrerin
Qualität vor Quantität
Rolli ☺
Sonnenaufgang auf dem Hauenstein
Tut gerne was tun
Uhu
Velo fahren
Waldenburg
XL wäre zu gross **XS** zu klein
Yoga
Zermatt zur Schule gegangen



ANDREA ROTH

Erlerner Beruf: Bachelor of Arts in Gesellschafts- und Kommunikationswissenschaften und Master of Arts in vergleichenden Mediawissenschaften.

Heutige Position: Leiterin Kommunikation Sport und Medienkoordination des FC Basel 1893.

Hobby: Basler Rolli

Syt em 1. Juli 2013 isch d Andrea Roth Leiterin Kommunikation Sport und Medienkoordination bim FC Basel 1893. Mir hän das als Grund g'no, mit dr Andrea e gly über ihri Arbet z'plaudere und hän ihre dorum e paar Frooge g'schellt.

Zerscht e Verschtändnisfroog: Bisch Du Medieschefin für dr FC Basel oder au no für dr Verein FC Basel 1893?

Gute Frage, denn juristisch gesehen handelt es sich dabei natürlich um zwei verschiedene Gebilde. Operativ gibt es bezüglich meiner Tätigkeit eigentlich keine Trennung, denn auch die Bereiche Frauenfussball und U14 abwärts, welche in der Verantwortung des Vereins FC Basel liegen, gehören, was die Koordination von Medienanfragen betrifft, in mein Pflichtentenheft.

Nochfolgere vom Josef Zindel als Medie- und Kommunikationsschefin z'wärde, isch für Di sicher e Ueberraschig gsi – wie hesch Du das empfundet?

Natürlich war ich überrascht, als mich Bernhard Heusler anfragte. Da ich mich aber durch meine bisherige Arbeit als Kommunikationsverantwortliche bei der Basel United AG im selben Umfeld bewegt hatte und deshalb wusste, was mich in etwa erwartet, nahm ich mit Freude dieses einmalige Angebot an.

Gisch Du de Spiler Tips, wie si sich gegenüber Journalischte z'verhalte hän – was si sage dörfe und was nit?

Man darf nicht vergessen, dass viele Spieler noch sehr jung sind und wenig Erfahrung mit den Medien haben. Zu meinen Aufgaben gehört es, die Spieler auf den Kontakt mit den Medien vorzubereiten. Ich gebe ihnen Tipps, wie sie sich vor dem Mikrofon oder der Kamera verhalten und auf was sie achten sollen. Besonders achte ich darauf, dass sie authentisch – also sich selbst – bleiben

Hesch Du Kontakt zu de Fäns vom FC Basel?

Selbstverständlich habe ich auch zu den Fans immer wieder Kontakt. Dies gilt aber für alle FCB-Abteilungen, denn die Fans und ihre Bedürfnisse sind enorm wichtig.

Hesch Du dir au scho Gedangge über dyni bruefliche Zuekunft - usserhalb vom FCB g'macht?

Ich habe im Moment beim FCB meinen Traumjob und denke über die Zukunft nicht nach. Generell stehe ich immer im Hier und Jetzt und mache mir nie Gedanken über die Zukunft. Ausserdem habe ich die Erfahrung gemacht, dass wenn man etwas plant, es sowieso anders kommt!

Originalinterview mit Niggi Freundlieb im „Geschäftsführer“ Frühling 2016



Nochwuggs / Theo / Nora

Ich heiss Theo

Mi Geburtsdatum isch dr
27.08.2007

Ich wohn
in Binningen

Ich ha agfange
drummle



Dorum bin ich zue de Basler Rolli koh: well mi Fründ dr Liam und sie Bappi bi de Rolli sin.

Y ha no anderi Hobbies usser Fasnacht: y spiel sehr gärn Fuessball bim SC Binninge und gang in dWölfli vo de Pfadi Falkestei

An dr Fasnacht wäri emol gärn
Tambour und Tambourmajor

Das isch mi Lieblingstier Delfin

Die Farb hani am liebschte Rot

Das iss y am liebschte Omelette und Fetzelschnitte

Das dringg y am liebschte Ice Tea Peach

Das macht mi fescht veruggt
Wenn dr FCB verliert (Anm. d. Red.: Hesch ghört, Andrea? ☺)

Das möchte y sunscht no über mi verzelle nüt ;o)
10

Ich heiss Nora Erni

Mi Geburtsdatum isch dr
03.06.2008

Ich wohn
z'Muttenz

Ich ha agfange
pfyffe



Dorum bin ich zue de Basler Rolli koh: Will mi Brueder + s Tanti bi dä Rolli sinn und ich au emol e Kostüm wott ha (...an dr Fasnacht mitmache wott)

Y ha no anderi Hobbies usser Fasnacht: Tanze, mit Fründinne spiele, Pfadi, Hörspiel loose, moole + baschtle

An dr Fasnacht wäri emol gärn
E Blätzlibajass

Das isch mi Lieblingstier Giraff, Pinguin, Tiger

Die Farb hani am liebschte türkis, grien

Das iss y am liebschte Spaghetti, Cordon Bleu

Das dringg y am liebschte listee, Cola

Das macht mi fescht veruggt Stritt

Nochwuggs / Carla & Nicolas

Ich heiss


Carla Furrer

Nicolas Furrer

Mi Geburtsdatum isch dr

30.09.2009

06.01.2008



**Mer wohne
z'Muttenz**

Ich ha agfange

pfyffe

drummle

Dorum bin ich zue de Basler Rolli koh:

Will ich Piccolo spiile will!

Will mis Mami derby isch

Y ha no anderi Hobbies usser Fasnacht:

Ich gang gärn in Wald und ha d Natur gärn

schwimme, klättere, bike

An dr Fasnacht wäre mr emol gärn

E Waggis

Das isch mi Lieblingstier

Zebra, Seeleue, Eule, Gepard, Giraffe,
Leue, Schmäterling und Eidegse und Gekos

Gepard, Tiger
und Tünanün

Die Farb hani am liebschte

Grien und Blau

Blau

Das iss y am liebschte

Spaghetti

Milchrys und 5Pi

Das dringg y am liebschte

Cola

Wasser und Bifidus Ärdbeer und Smoothies

Das macht mi fescht veruggt

Wenn mi Brueder mi närvt

VOILA

Wenn mi Schweschter mi närvt

Das möchte y sunscht no über mi verzelle

Mini Familie bleibt immer zämme

Nochwuggs / Franca / Lia

Ich heiss Franca

Mi Geburtsdatum isch dr
16.06.2007

Ich wohn
z'Basel

Ich ha agfange
pfyffe

Dorum bin ich zue de Basler Rolli koh: Wäge dr Ari Schnepf und mim Brueder Moritz

Y ha no anderi Hobbies usser Fasnacht: Jo

An dr Fasnacht wäri emol gärn E
Bältzlibajass

Das isch mi Lieblingstier Rössli

Die Farb hani am liebschte Y ha
alli gärn

Das iss y am liebschte Omelette

Das dringg y am liebschte Rivella
Grien

Das macht mi fescht veruggt
Wenn dr Moritz
dumm duet



Ich heiss Lia Delay

Mi Geburtsdatum isch: y wird am
26.11. 7 Jahr alt

Ich wohn in Riehe

Ich ha agfange:
An dr nägschte
Fasnacht mach ich
und s'näggscht
Joor möcht i lere
Piccolo spiele



Dorum bin ich zue de Basler Rolli koh: Durch mi Mami, Grossmami und mi Brueder Finn bini zue de Rolli ko

Y ha no anderi Hobbies usser Fasnacht: Schwimme, Akrobatik und Baschtle

An dr Fasnacht wäri emol gärn E
Ängel

Das isch mi Lieblingstier Haas

Die Farb hani am liebschte Grien

Das iss y am liebschte Pilzsuppe

Das dringg y am liebschte Cola

Das macht mi fescht veruggt
Wenn mi mi grosse Brueder bloggt

Das Emoji Quiz Museum präsentiert sich wie folgt:



Und weisst du schon was passiert ist?

Überlege gut bevor du nach hinten blätterst, um die Antwort zu diesem Emoji Rätsel zu sehen.



Ab **U**ff
d'Gass!

crome.ch

Immer unterwegs für Sie.
www.undernaehrer-ag.ch

Unternährer
Unser Elektroprofi





musik **oesch** basel

DAS FACHGESCHÄFT FÜR BLASINSTRUMENTE

Spalenvorstadt 27 • 4051 Basel • 061 261 82 03

Beraten.
Planen.
Steuern.

RAPP 

Verkehr & Transport sichern Zukunft.

Wir planen Projekte für alle Verkehrsträger und begleiten deren Umsetzung. Zudem sind wir spezialisiert auf Verkehrsmanagement, Verkehrstelematik, Güterverkehr und im Tarifwesen des öffentlichen Verkehrs.


Rapp entwirft Zukunft. Nachhaltig – Tag für Tag. Als führendes Planungs- und Beratungsunternehmen mit über 450 Ingenieuren, Architekten und Fachspezialisten entwickeln wir integrale Lösungen für unseren Lebensraum und die bebaute Umwelt.

Werfen Sie einen Blick auf www.rapp.ch

Rapp Trans AG | Ein Unternehmen der Rapp Gruppe
Güterstrasse 137 | CH-4018 Basel | T +41 58 595 77 77



Rolli Stamm am Nätte Fescht
13. Auguscht 2016



Wäm si Balloon
isch das?



ZUFFEREY

**Goldschmied
Bijouterie Uhren**

Burggartenstr. 9 Pratteln
Hardstrasse 13 Birsfelden
www.bijouterie-zufferey.ch



Geschätzte Leserin, lieber Leser


Die Periode nach der Fasnacht ist für den Autor jeweils ‚schreibtechnisch‘ etwas eine dürftige Sache. Ruhen doch dem Geiste der Alten Garde entsprechend die Mehrzahl der Aktivitäten. Dazu haben wir uns in den Gruppierungen darauf geeinigt, keinen neuen Marsch zu lernen sondern das bestehende Repertoire wieder einmal gründlich zu bearbeiten. Die GV ist unaufgeregt und ohne besondere Ereignisse abgehandelt worden. Wohl die grösste Zäsur stellt der Entscheid der Sujet-Kommission dar, das kommende Jahr mit einem neuen Künstler an die Hand zu nehmen. Nach einer kurzen Evaluation im Pool junger Talente – das war die gesetzte Zielvorgabe – wurde beschlossen, einer jungen Künstlerin aus Basel das Vertrauen zu schenken. Sie wird dann sicher im Rahmen der Sujet Präsentation ihre Ideen und sich selbst vorstellen.

Damit wir uns doch nicht ganz aus den Augen verlieren wurden drei Spezialanlässe organisiert. Bereits im April bei einem Apéro auf der Pfalz und nach kurzem Bummel bei einem vielfältigen Nachtessen in der Markthalle (ein echtes Erlebnis). Dann im Juni nach einem kühlen Schluck im Angesicht der Helvetia und kurzem Marsch zum ‚Roschtige Anker‘; dank der etwas verwirralichen Abrechnung des Service resultierte ein schöner Überschuss welchen wir spontan der Cliques-Kasse vermachten. Den Kassier wird's gefreut haben. Und schliesslich bei einem gemütlichen Hock am Tattoo. Natürlich nicht ohne kritisch die Grillkünste unserer Nachfolger zu begutachten. Ich muss sagen, wir waren um Klassen besser!!

Der gemeinsame Rolli-Grill-Anlass hat uns dann sanft daran erinnert, dass es nun wieder Ernst gilt. Das Schreiben des Präsidenten mit der Einladung zu einer ‚Standortbestimmung‘ hat dann unerwarteter Weise zu etwas Stirnrunzeln und Verwirrung gesorgt. Ohne hier weiter darauf einzugehen – es fehlen mir auch die notwendigen Hintergrundinformationen – kann aber festgestellt werden, dass die Sitzung äusserst konstruktiv und im offenen Dialog stattgefunden hat. Und wir haben unsere gemeinsamen Ziele bestätigt. Offen bleibt vorerst die Frage nach der Tambouren-Instruktion.

Neues gibt es aber tatsächlich zu berichten. Im Mai wurde ich von einem langjährigen Freund, welcher in Olten wohnt, kontaktiert. Sein Bruder René habe den Wunsch geäussert, einmal mit einer Clique den Morgestraich in Basel zu erleben. Die Familie möchte ihm nun dies als Geschenk zum 60. Geburtstag ermöglichen. Ob dies bei den Rolli möglich wäre?

Ihr **Wein-** und **Getränke-** **Lieferant**



Theo Rietschi AG
Getränke en gros



Hahn-Rickli AG
Weinkeller

Spiko und die Mitglieder haben dem ohne Zögern zugestimmt und so dürfen wir nun jeweils einen Gast und Mitstreiter in der Pfeiferstunde herzlich begrüßen. Damit beim Laterneneinpfifen und am Morgestraich nicht plötzlich jemand meint, da sei ein Fremder von einer anderen Clique eingestanden habe ich René gebeten, sich kurz allen Rolli vorzustellen:



Mein Name ist René Christen.
Ich wohne mit meiner Judith in Aarburg und bin glücklicher Vater von 2 Töchtern, 11.11.1985 und 11.11.1987. Die Primarschule besuchte ich im Bläsi-schulhaus Basel. Die Oberstufe absolvierte ich bis zum 6. Schuljahr im Wettsteinschulhaus. Dann zogen wir nach Aarburg.
Mein beruflicher Werdegang ist, Maurer mit Weiterbildung als dipl. Bauführer und Zusatzdiplom als Bauverwalter (Kt. Aargau). Seit rund 25 Jahren arbeite ich bei der Gemeindeverwaltung in der Bauabteilung (Baupolizei sowie Bauleiter bei Neu- und Umbauten von gemeindeeigenen Liegenschaften).

Vor ca. 35 Jahren begann ich auf Anraten meines Bruders Walter (damals war er aktiver Tambour) mit dem Piccolo spielen in einer Trimbacher Clique. Wir machten mehrere Jahre an der Oltner Fasnacht mit.

Nach verschiedenen (beruflichen und familiären) Unterbrüchen intensivierte ich das Spielen vor ca. 10 Jahren wieder, fand jedoch keine besondere Begeisterung in Olten.

Vor ca. 3 Jahren legte ich das Piccolo wieder beiseite. Zu dem Zeitpunkt äusserte ich gegenüber meinem Bruder, dass es mir vermutlich verwehrt bleibt, einmal bei einem Morgenstraich in einer richtig grossen Clique in Basel mitzuwirken. Mein Bruder schnappte diesen Wunsch auf und organisierte dies in Absprache mit Euch zu meinem 60ten Geburtstag, was zu meiner derzeitigen Aktivität bei der Rolli-Clique führt.

Alti Garde / Neys bi de Alte / Teil 3

Meine weiteren Hobbys sind Sport (Wandern, Fitness, Skifahren, etc.) und das Mitsingen als 2. Bass im Jodlerklub Burghalde Aarburg. Ich hatte immer Freude an Musik und erachte es als wichtig, schweizerisches Kulturgut zu pflegen.

Auch wenn mein Ton-Ansatz anfänglich beschwerlich war und der Zeitaufwand mit dem Üben und nach Basel fahren Anderes zu Hause liegen lässt, freue ich mich jeweils auf den Donnerstag. Ich übe mit viel Spass und komme gerne in die Probe, sodass ich am Morgenstrach so weit als möglich aktiv mitspielen kann.

Einen besonderen Dank möchte ich an dieser Stelle an die Rolli übermitteln. Die Alte Garde hat mich spontan aufgenommen und hilft mir, dass ich am 6. März nicht total „im Schilf“ stehen werde. Ein weiterer Dank geht an meinen Bruder, welcher mir das Ganze ermöglichte. Vielen Dank an alle.

Ich muss meinen Hut vor René ziehen. Sich das Rolli Repertoire anzueignen ist ein mutiges Unterfangen und hat sogar mich angespornt, wieder etwas häufiger als auch schon zu üben. Ich bin sicher, wir werden noch viel Spass mit René haben.

In diesem Sinne und bis zum nächsten Mal.



Inseratetarif:

1 Syte	1 Usgoob	90.- Frangge
1 Syte	4 Usgoobe	270.- Frangge
1/2 Syte	1 Usgoob	50.- Frangge
1/2 Syte	4 Usgoobe	150.- Frangge
1/4 Syte	1 Usgoob	30.- Frangge
1/4 Syte	4 Usgoobe	90.- Frangge

Rolli unterwäggs / Down under / Teil 1

Great Southern Land

Am 5. Septämber 2015 sin mer gange, am 21. Auguscht 2016 wieder z'Basel.

Dr neu Dail vom Kunschtmuseum gfallt mir guet – dr Rocheturm het sich nid verbessert...

Ich bi aber besser im surfe und guet erholt.



In Perth ako und z'erscht autokaufe. Denn 6 Wuche Lancelin – jede Dag d' Wyti vo Strand und Meer - mit Sunneuntergäng – kain isch glych. S'Hinterland mit viele Wildblueme. Wyter im Süde bi Margaret River hetts grossi Wälle mit Räbe und Wy. In Denmark gits Küh und Meer und bi Esperance finde mir oft menscheleeri Stränd. Nullarbor - Stroos ohni Bäum und hohe Klippe. Adelaide mit Autorenn und "Icehouse in concert". In Flinders Ranges NP – unsre erschte outback taste. Torquay isch Surfcapital mit em famous Bell's Beach. In Melbourne fahrsch im Tram zue dr tolle Architektur. Queensland – jede isch am surfe im Surfers Paradise. Fraser Island mit Dingoes und numme Stroose us Sand. Brisbane hett näbem brune Fluss no Kunscht. Im Outback gits full size Stärnehimmel mit Milchstroos. D'Mitti mit em magische Uluru und viel campfires. Great Central Road mit Wällblächstroos, Autowracks und big sky.



Rolli unterwäggs / Down under / Teil 2


Und d' Lüt hän no Zyt zem schwätze und hälfe, wo's numme goht.
...alles Highlights...

Langwilig isch es nie gsi und erholt hän mir uns beschtens. S'Klima in
Auschtralie isch eifach guet und andersch.
So schnäll isch e Johr verbi.

Yneluege: www.yonga2015.wordpress.com

Yneloose: Great Southern Land "Icehouse"

no worries – mate
andré



by uns findsch alles
wo's bruucht
zem feyn kenne ruesse

Aluminiumdrumml
Messingdrumml
Holzdrumml
Schlegel
Bandalier etc.

Allschwilerstrasse 34
4055 Basel
061 271 79 19
www.trommelbau.ch

Büchler
Trommelbau
Basel



Rolli unterwäggs / Usflugstipp spezial - zum Zweite



*Alli Wäg fiehre nach Rom
....au mit em Velo*

Zum 6. Mool het sich e hampfle ‚Gümmeler‘ mit Bezug zur Schwyzerische Gsellschaft für Kardiologie radeinderwys zämme uff e Wäg zum alljährig stattfindende Europäische Kardiologe Kongräss gmacht. In däm Joor sin ca. 700 km und 9500 Höhemeter vor ys gläge.

Noch dr letschtjähre Tour in Norde, mit em Motto SfKwut (Schueh föhne, Klaider wäsche und troggne), hätte mr ys dasmol gwunsche es wurd e Trepfli vom Himmel ko. Ganzi Bäch sin an ys abegloffte, aber sälber produzierti und nid vom Petrus gschiggti. S'Motto dementsprächend ‚SchwiSuDu‘ (Schwitze, Suffe, Dusche).

Dr Startschuss disjoor isch in Lugano gsi. D'Sunnestube vo dr Schwiz het ihrem Name alli Ehr gmacht und ys richtig yghaizt uff dr erschte Etappe entlang vom Lago di Lugano übere an Lago di Como. Do muess me nid zwaimool Frooge, worum sich prominänti Ärdebürger in däre Gägend e Villa zueglegt hän, aifach traumhaft.

Beydruggend und beeländend isch denn dr Aabligg vo de gschtrandete Flüchtling in Como gsi und do frogt me sich, worum muess das eso si. Mir hän in Como dr Zug nach Mailand gno, hän könne wyterfahre uff unserer Tour, si hän ihri Deggene miesse ussrolle und uff em harte Bode ussharre.

Als Überfiehrigsetappe, damits in 7 Etappe bis ans Ziil längt, het sich s'OK entschlosse s'Mailänder-Gschwür und d'Po-Ebeni (do hets zwenig Hügeli zum Uffeküche) mit em Zug durzfahre. Alles isch guet plant gsi, d'Billett abschtämpflet, dr Zug pünggtlig, aber Mailand isch nid Basel, do gits verschiedeni Ebene und niemer hets gmergt. So simmer anstatt innere guete Stund mit em Schnällzug vo Italie, em Frecciarossa nach Bologna z'düse, mit em Bummler fascht 3 Stund dur d'Gägend tugginglet. Zum Glügg sin d'Italiäner so gelasse, senza problemi hämmer au Zoobe am Nüni no unser herrligs 1. Nachtässe in Bologna könne gniesse.


Am nägschte Dag isch es denn ab in d'Bärg gange, vo dr Emilia Romagna Richtig Toscana hän ys die erschte Höhemeter vom Apennin gforderet, D'Stygige hän ys d'Schweissperle ins Gsicht triebe, d'Sunne het ys grilliert, ebbe SchwiSu und denn Du, Zoobe in dr Villa Le Maschere unwyt vo Floränz.

Rolli unterwäggs / Usflugstipp spezial / Fortsetzig

D'Sunnestrahle wegge ys au am nägschte Morge und mir erklimme die etliche Hügel vo dr Toskana. In de Räbbärg und Olivehain vom Chianti schwitze und strample mir uff dr Strada del Chianti nach Siena unserem Tagesziil. E tolli Stadt, zum verwyle uff em Piazza del Campo, und Gässle könnt me do 3-Däg.... In dr Nacht bini wachgrüttlet worde, hani täumt y sig no uff em Velo über die holprige Stroosse? Am nägschte Morge denn die truurigi Nochricht, dass e Ärdbeebe ca. 100 km nördlig vo uns e ganzi Stadt zerstört het.

Mir hän ys widder dörfe uff s'Velo schwinge, wyteri Kilometer und Höhekilometer, Räbbärgli uff und ab, d'Sunne vo dr Toskana isch erbarmigslos gsi (s'Termometer stygt und stygt und klätteret uff 37°), verby an toskanische Stedtle wie Montalcino. Dr Mittagsrascht hämmer uff eme Wyguet ohni Deguschtation!, könne gniesse, wo e Päärli uss dr Schwiz betrybe duet. S'Ändi vo däre Dagesetappe isch nomol e 17%-igi Stygig bis zum Hotel oberhalb vom Stedtle Arcidosso gsi, s'wär nid nötig gsi und alli hän dr Lälli am Bode gha, SchwiSuDu. Vor em Nachtässe simmer denn ändlig zu unsere Wyyprobe vom besagte Wyguet ko, mit Bligg uff d'Hügel vo dr Toskana und herrligem Sunneuntergang, d'Strapaze hämmer usegswemmt...

Mit e bitz schwärere Bai und nid ganz eso schwungvoll hämmer am nägschte Dag zum Glügg e ‚flacheri‘ Etappe mit numme öpe 1200 Höhemeter vor ys gha. E spontani Spaghetтата am Lago di Bolsena het ys denn aber widder gsterggt, damit mr s'Dagesziil Orvieto hoch uff eme felsige Hügel, zmits imene Tal hän könne erreiche. Gässle, Apéröle und e feyns italiänischs Znacht het dä Dag abgrundet.




Scho isch die 2. letschti Etappe uff em Programm gschtande. Gradlet simmer durch die vulkanisch entschtaneni Gägend Monti Volsini, verby an e paar glaine Seeli und aim vo de schönschte Dörfer vo Italie, Bagnoregio. Tiefi Schluchte durchziehn die Hügel-landschaft, will heisse es goht uff und abe, SchwiSuDu...

Dr Abschluss het e absolute Hammerobe mit stimmigsvollem Sunneuntergang uff eme Agriturismo hoch überem Lago di Bracciano bildet. E kulinarische Höheflug alla Italy mit Antipasti, Primo und Secondo Piatto, Dolci.

No ganz im Schwelge vom letschte Obe hämmer ys uff e Ändspurt Richtig Rom begä. Abfallbärge am Stroosserand ohni Ändi, ummestleunendi Gschaltte hänn ys die unschöne Syte vo Italie vor Auge gfiehrt, je mehr mir uns däre Millionestadt gnöcheret hän.

Glügglig und alli gsund hämmer denn noch ca. 50 km s'Kongrässzentrum erraicht. Empfange simmer mit Schämpis worde und Schnapschüss mit Kongrässteilnähmer hän nid dörfe fähle. Jetzt hets zum letschte Mool ghaisse SchwiSuDu und y bi in die Stadt ytaucht und ha my no 3 Däg dörfe lo triebe, gniesse, Dolce far niente!



Lösung: Quiz Museum

In einem Bilder-Museum befindet sich ein Gast, mit krimineller Absicht. Er geht auf die Toilette und versteckt sich dort, um nach der Öffnungszeit im Museum zu bleiben. Er wartet bis 23:00 Uhr und nimmt dann seine Taschenlampe und macht sich auf die Suche nach dem teuren Bild. Er nimmt es von der Wand und spaziert damit zum Ausgang. Die verschlossene Türe bricht er auf und ein Alarm wird ausgelöst. Der Dieb entkommt jedoch mit seinem Bild.

Herbschtzyt - Kürbiszyt

Tescht di Wüsse - find use welle Kürbis wie heisst indäm du e Linie ziescht vo dr Beschriibig zum Name. Tipp: D Beschriibig und s Bild passe zämme.

<u>Bild</u>	<u>Beschriibig</u>	<u>Kürbissorte</u>
	E Gaischt	Baby Bear
	Adam & Eva	Feigenblattkürbis
	Im Repertoire	Celebration
	Italiänisch	Stripetti
	E Party	Chamäleon
	Rotliechtmiliö	Casper
	1000 + 1 Nacht	Festival
	Wäggslet d Farb	Turbankürbis
	Kleins Tier mit Fäll und doch blutt	Spaghetti Kürbis

Schwarzes Brätt



Mr sueche witerhin
e 2. Sujetkommission
für s 2018. Bitte bim
Dominic mälde, merci.

Hesch öbbis z'mälde, denn schigg
e Mail an baslerrolli@gmail.com



Aamäldige fürs Offizielle nid vergässe!

Vorschau uf die nägschte Usgoobe:

- Majooremarsch
- Frauebummel
- Herrebummel
- Frogeboge
- Schlittschuehfahre
- Fasnacht
- Rolli-Wiehnacht
- Bummel



GERBER/KYM

Malergeschäft AG

Eidg. dipl. Malermeister Kundengipser

mir moole, gipse und tapeziere *sit* 1922

Fabrikmattenweg 7
4144 Arlesheim

Tel. 061 711 34 58
gk-maler.ch

frisch gestrichen